

全上古三代秦漢三國六朝文

全齊文卷十

烏程嚴可均校輯

王儉二

國史條例議

金粟之重，八政所先。食貨通則國富民實，宜加編錄以崇務本。朝會志前史不書，蔡邕稱先師胡廣說漢舊儀，此乃伯喈一家之意。曲碎小儀無煩錄，宜立食貨省朝會洪範九疇，一日五行，五行之本，先乎水火之精，是爲日月五行之宗也。今宜憲章前軌，無所改革。又立帝女傳，亦非淺識所安。若有高德異行，自當載在列女，若止於常美，則仍舊不書。

南齊書禮起傳  
左僕射王儉議

乘輿副車議

時乘輿無副，昔周五輅，大朝臨軒，權列三輅。今衣書十二乘，古制車之象也。亦曰五時副車，青萌車是謂掄臆車。

通典六  
十四

服章議

依漢三公服山龍九章卿華蟲七章

南齊書輿服志

金貂議

漢景六年梁王入朝中郎謁者金貂出入殿門左思魏都賦云藹藹侍列金貂齊光此藩國侍臣有貂之明文晉百官表云太尉參軍四人朝服武冠此又宰府之明文

南史二十一王儉傳

公府長史朝服議

春秋國語云貌者情之華服者心之文巖廊盛禮衣冠爲大是故軍國異容內外殊序而自頃承用每有乖違府職掌人教四方是則臣居毗佐志在當官永言先典載懷夕惕案晉令公府長史官品第六銅印墨綬朝服進賢兩梁冠掾屬官品第七朝服進賢一梁冠晉官表注亦與令同而今長史掾屬但著朱服而已此則公違明文積習成謬謂宜依舊制長史兩梁冠掾屬一梁冠並同備

朝服中單韋烏。率由舊章。若所上蒙允。並請班司徒二府。及諸儀同三府。通爲永準。又尋舊事。司徒公府領步兵者。職僚悉同降朝。不領兵者。主簿祭酒。中單韋烏。並備令史以下。唯著玄衣。今府既開公。謹遵此制。其或有署臺位者。玄服爲疑。案令稱諸有兼官。皆從重官之例。尋內官爲重。其署臺位者。悉宜著位之服。不在玄服之例。若署諸卿寺位兼府職者。雖三品而卿寺爲卑。則宜依公府玄衣之制。服章事重。禮儀所先。請臺詳服。宋書禮志五元徽四年司徒右長史王儉議

又議

自頃服章多闕。有違前準。近議依令文被報。不宜改革。又稱左丞劉議案。令文凡有朝服。今多闕亡。然則文存服損。非唯鉉佐用捨。旣久。卽爲舊章。如下旨。伏尋皇宋受終。每因晉舊制。律令條章。同規在昔。若事有宜。必合懲改。則當上關詔書。下由朝議。懸諸日月。垂則後昆。豈得因外府之乖謬。以爲盛宋之興典。用晉氏之律令。

而謂其儀爲類法哉。順違從失，非所望於高議。申明舊典，何改革之可論。又左丞引令史之闕服，以爲鉉佐之明比。夫名位不同，禮數異等。令史從省，或有權宜。達官簡略，爲失彌重。又主簿祭酒，備服於王庭。長史掾屬，朱衣以就列。於是倫比自成矛盾。此而可忍，孰不可安。將引令以尊舊，臺據失以爲例。研詳符旨，良所未譬。當官而行，何彊之有。制令昭然，守以無貳。同上

郊殷議

案禮記王制，天子先禘後時祭，諸侯先時祭後禘。春秋魯僖二年，禘明年春禘，自此以後，五年再殷。禮緯稽命徵曰：三年一禘，五年一禘。經記所論禘禘與時祭，其言詳矣。初不以先殷後郊爲嫌。至於郊配之重事，由王迹。是故杜林議云：漢業特起，不因緣堯，宜以高帝配天。魏高堂隆議以舜配天。蔣濟云：漢時奏議，謂堯已禪舜，不得爲漢祖。舜亦已禪禹，不得爲魏之祖。今宜以武皇帝配天。晉

宋因循卽爲前式。又案禮及孝經援神契並云：明堂有五室。天子每月於其室聽朔布教。祭五帝之神。配以有功德之君。大戴禮記曰：明堂者，所以明諸侯尊卑也。許慎五經異義曰：布政之宮。故稱明堂。明堂盛貌也。周官匠人職稱明堂有五室。鄭玄云：周人明堂五室，帝一室也。初不聞有文王之寢。鄭志趙商問云：說者謂天子廟制如明堂，是爲明堂。卽文廟邪。鄭荅曰：明堂主祭上帝，以文王配耳。猶如郊天，以后稷配也。袁孝尼云：明堂法天之宮。本祭天帝，而以文王配。配其父於天位，則可。牽天帝而就人鬼，則非義也。秦元十三年孫耆之議稱郊以祀天，故配之。以后稷。明堂以祀帝，故配之。以文王。由斯言之，郊爲皇天之位，明堂卽上帝之廟。徐邈謂配之爲言，必有神主。郊爲天壇，則堂非文廟。史記云：趙絳王臧欲立明堂，于時亦未有郊配。漢又祀汾陰五時，卽是五帝之祭，亦未有郊配。議者或謂南郊之日，已旅上帝，若又以無配而特祀明堂。

則一日再祭於義爲贖。案古者郊本不共日。蔡邕獨斷曰祠南郊祀畢次北郊。又次明堂高廟。世祖廟謂之五供。馬融云郊天之祀咸以夏正。五氣用事。有休有王。各以其時。兆於方郊。四時合歲。功作相成。亦以此月總旅明堂。是則南郊明堂各日之證也。近代從省。故與郊同日。猶無煩贖之疑。何者。其爲祭雖同。所以致祭則異。孔晁云言五帝佐天化育。故有從祀之禮。旅上帝是也。至於四郊明堂。則是本祀之所。譬猶功臣從饗。豈復廢其私廟。且明堂有配之時。南郊亦旅上帝。此則不疑於共日。今何故致嫌於同辰。又禮記天子祭天地四方山川五祀歲徧。尚書堯典咸秩無文。詩云昭事上帝。聿懷多福。據此諸義。則四方山川。猶必享祀。五帝大神。義不可略。魏文帝黃初二年正月郊天地明堂。明帝太和元年正月。以武皇帝配天。文皇帝配上帝。然則黃初中南郊明堂皆無配也。又郊日及牲色異議紛然。郊特牲云郊之用辛。周之始郊也。盧植

云辛之爲言自新絜也。鄭玄云用辛日者爲人當齋戒自新絜也。漢魏以來或丁或巳而用辛常多。攷之典據辛日爲九郊特牲又云郊牲幣宜以正色。繆襲據祭法云天地駢犢周家所尚魏以建丑爲正牲宜尙白。白虎通曰三王祭天一用夏正所以然者夏正得天之數也。魏用異朔故牲色不同。今大齊受命建寅創厯郊廟用牲一依晉宋謂宜以今年十月殷祀宗廟自此以後五年再殷來年正月上辛有事南郊宜以共日還祭明堂又用次辛饗祀北郊而並無配犧牲之色。率由舊章。

南齊書禮志上  
建元元年七月

### 朝堂諱訓議

后諱依舊不立訓。禮天子諸侯諱羣祖。臣隸既有從敬之義宜爲太常府君諱。至於朝堂榜題本施至極。既迨尊所不及。禮降於在三晉之京兆。宋之東安。不列榜題。孫毓議稱京兆列在正廟。臣下應諱而不上榜。宋初博士司馬道敬議東安府君諱宜上榜。何承



天執不同，卽爲明據。其有人名地名，犯太常府君及帝后諱者，皆改宣帝諱同，二名不偏諱，所以改承明門爲北掖，以楨有之字與承並。東宮承華門亦改爲宣華云。南齊書禮志上建元元年太常上朝堂諱訓僕射王儉議

太子迎車駕臨喪議

尋禮記服問君所主，夫人妻太子嫡婦，言國君爲此三人爲主喪也。今鸞輿臨降，自以主喪而至，雖因事撫慰，義不在弔。南郡以下不應出門奉迎，但尊極所臨，禮有變革，權去杖絰，移立戶外，足表情敬，無煩主哭。皇太子旣一宮之重，自應以車駕幸宮，依常奉候，旣當成服之日，吉凶不容相干，宜以衰幘行事，望拜止哭，率由舊章，尊駕不以臨弔，奉迎則惟常體，求之情禮，如爲可安。南齊書文穆妃薨成服日車駕出臨喪朝議疑太子應出門迎左僕射王儉云云又南史四十四

國臣爲太子妃服議

禮庶人爲國君齊衰，先儒云庶人在官若府史之屬是也。又諸侯

之大夫妻爲夫人服總衰七月。以此輕微疏遠故不得盡禮。今皇孫自是蕃國之王公。太子穆妃是天朝之嫡婦。宮臣得申小君之禮。國官豈敢爲夫人之敬。當單衣白帕。素帶哭於中門外。每臨輶入與宮官同。南齊書禮志下。建元二年太子穆妃薨。南郡王開喜公國臣疑制君母服。檢又議。宮臣爲太子妃服議。

禮記文王世子。父在斯爲子。君在斯爲臣。且漢魏以來。宮僚充備。

臣隸之節。具體在三。昔庾翼妻喪。王允勝弘。南史作含。謂府吏宜有小

君之服。況臣節之重邪。宜依禮爲舊君妻齊衰三月。居官之身。並

合屬假朝。晡臨哭。悉繫東宮。今臣之未從官在遠者。於居官之所

屬。寧二日半。仍行喪成服。遺牋表。不得奔赴。南齊書禮志下。建元二年皇太子妃薨前

宮臣疑所服左僕射王儉議。又略見南史二十二

太子妃銘旌議。

禮既塗棺。祝取銘置於殯東。大斂畢。便應建于西階之東。南齊書禮志下

太子妃斬草乘黃議  
建銘旌僕射王儉議

太子妃薨建旒議

旒本是命服無關於凶事今公卿以下平存不能備禮故在凶乃建耳東宮秩同上公九命之儀妃與儲君一體義不容異無緣未同常例別立凶旒大明舊事是不經詳議率爾便行耳今宜攷以禮典不得效尤從失吉部伍自有桁輅凶部別有銘旌若復立旒復置何處裴自用八旒南齊書禮志下宋大明二年太子妃薨建九旒及畫能升降云何又用幾旒僕射王儉議又見通典八十四太子妃靈還在道不設祭議

既虞卒哭祭之於廟本是祭序昭穆耳未全同卒吉四時之祭也所自有朔望殿事蕃國不行權制宋江夏王妃卒哭已後朔望設祭帝室既以卒哭除喪無緣方有朔望之祭靈筵雖未升廟堂而廟中卽成行廟猶如桓立及宋高祖長沙臨川二國並有移廟之

禮豈復謂靈筵在途便設殷事耶。推此而言朔望不復俟祭。宋懿  
后時舊事不及。此益可知時議。前齊書禮志下有司妻穆妃卒哭  
後靈還在道遇朔望當須設祭不

王儉

太子妃喪遇閏議

三百六旬尚書明義文公納幣春秋致譏穀梁云積分而成月公  
羊云天無是月雖然左氏謂告朔爲得禮是故先儒咸謂三年其  
喪歲數沒閏大功以下月數數閏夫閏者蓋是年之餘日而月之  
異朔所以吳商云合閏以正基允協情理今杖基之喪雖以十一  
月而小祥至於祥編必須周歲凡厭屈之禮要取象正服祥編相  
去二月厭降小祥亦以則之又且求之名義則小祥本以年限攷  
於倫例則相去必應二朔今以厭屈而先祥不得謂此事之非基  
事既同條情無異貫沒閏之理固在言先設合祥在此晦則去編  
三月依附準例益復爲礙謂應須五月晦乃祥此國之大典宜共

精詳並通闕八座丞郎研盡同異

南齊書禮志下建元三年左僕射王儉議又見通典一百

答褚淵難喪遇閏議

含閏之義通儒所難但祥本應朞屈而不遂語事則名體俱存論哀則情無以異述雖數月義實計年閏是年之歸餘故宜總而并之朞而兩祥緣尊故屈祥則沒閏象年所申屈申兼著二途具舉經紀之旨其在茲乎如使五月小祥六月乃閏則祥之去縞事成二月是爲十一月以象前朞二朔以放後歲名有區域不得相參魯襄二十八年十二月乙未楚子卒唯書上月初不言閏此又附正之明義也鄭射王賀唯云朞則沒閏初不復區別杖朞之中祥將謂不俟言矣成休甫云大祥後禮有閏別數之明杖朞之祥不得方於綬縞之末卽恩如彼就例如此

南齊書禮志下建元三年又見通典一百

穆太妃小祥南郡王應不相待議

禮有倫序義無徒設如令遠則不待近必相須禮例旣乖卽心無

取若疑兄弟同居，吉凶舛雜，則遠還之子，自應開立別門，以終喪事。靈筵祭奠，隨在家之人，再替而毀。庶子在家，亦不待嫡，而況儲妃正體王室，中軍長奠之重，天朝又行權制，進退彌復，非疑謂應不相待。中軍繚縈之日，聞喜致哀而已，不受弔慰。至聞喜變除，昆弟亦宜相就寫情，不對客。南史四十四竟陵王子良，儻太妃以七郡王應相待，尚書左僕射王儉議。

安陸王子婦爲范貴妃服議

孫爲慈孫，婦爲慈婦，姑爲慈姑，宜制莽年服。南史四十四安陸王子敬，博子敬所生，早亡，帝命貴妃范氏母養之，而子及婦服。制禮無明文，永明中尚書令王儉議。

單拜錄尚書優策議

見居本官，別拜錄推，理應有策書，而舊事不載。中朝以來，三公王侯，則優策並設官品，第二策而不優，優者褒美，策者兼明委寄，尚書職居天官，政化之本，故尚書令品雖第三，拜必有策，錄尚書品

秩不見而總任彌重前代多與本官同拜故不別有策卽事緣情不容均之凡僚宜有策書用申隆寄既異王侯不假優文南齊書褚淵傳

司空未拜而薨掾屬爲吏敬議

依禮婦在塗聞夫家喪改服而入今掾屬雖未服執而吏節稟於

天朝宜申禮敬

南齊書褚淵傳

司空解職而薨府史制服議

依中朝士孫德祖從樂陵遷爲陳留未入境樂陵郡吏依見君之服陳留迎吏依娶女有吉日齊衰弔司徒府宜依居官制服南齊書褚淵傳

庶姓三公輜車議

官品第一皆加幢絡

南齊書褚淵傳

昭皇后遷祔儀議

奠如大斂賀循云從墓之墓皆設奠如將葬廟朝之禮范甯云將

窆而奠雖不稱爲祖而不得無祭南齊書禮志下建元四年高帝山陵昭皇后應遷祔祠卽疑有祔祭及遣散諸奠九飯之儀不在僕射王儉議

還祔設虞議

范甯云葬必有魂車若不爲其歸祔將安舍世中改葬卽墓所施靈設祭何得不祭而毀邪賀循云既窆設奠於墓以終其事雖非正虞亦粗相似晉氏修復五陵宋朝敬后改葬皆有虞今設虞非疑南齊書禮志下建元四年昭皇后遷祔自同奏應無虞左僕射王儉議

諒闇議

權典旣行喪禮斯奪事興漢世而源由甚遠殷宗諒闇非有服之稱周王卽吉唯宴樂爲譏春秋之義嗣君踰年卽位則預朝會聘享焉左氏云凡君卽位卿出並聘踐修舊好又云諸侯卽位小國聘焉以繼好結信謀事補闕禮之大者至於諒闇之內而圖婚三年未終而吉祔齊歸之喪不廢蒐杞公之卒不徹樂皆致譏貶以



明鑒戒自斯而談朝聘蒸嘗之典卒哭而備行婚禘蒐樂之事三載而後舉通塞興廢各有由然又案大戴禮記及孔子家語並稱武王崩成王嗣位明年六月既葬周公冠成王而朝於祖以見諸侯命祝雍作頌襄十五年十一月晉侯周卒十六年正月葬晉悼公平公既卽位改服修官烝于曲沃禮記曾子問孔子曰天子崩國君薨則祔取羣廟之主而藏諸祖廟禮乎卒哭成事而後主各反其廟春秋左氏傳凡君卒哭而祔祔而特祀於主蒸嘗禘於廟先儒云特祀於主者特以喪禮奉新亡者至於寢不同於古蒸嘗禘於廟者卒哭成事羣廟之主各反其廟則四時之祭皆卽吉也三年喪畢吉禘於廟躋羣主以定新主也凡此諸義皆著在經詁昭乎方冊所以晉宋因循同規前典卒哭公除親奉蒸嘗率禮無違因心允協爰至秦豫元年禮官立議不宜親奉乃引三年之制自天子達又據王制稱喪三年不祭唯祭天地社稷越絀而行事

曾不知自天子達本在至情既葬釋除事以僭奪委我篋衾孝享  
宜申越紼之旨事施未葬卒哭之後何紼可越復依范宣之難杜  
預譙周之論士祭並非明據晉武在喪每欲存靈感之懷不全依  
諒闇之典至於四時蒸嘗蓋以哀疾未堪非便頓改舊式江左以  
來通儒傾學所歷多矣守而弗革義豈徒然又宜卽心而言公卿  
大夫則負辰親臨三元告始則朝會萬國雖金石輟響而篋篋充  
庭情深於恆哀而跡降於凡制豈曰能安國家故也宗廟蒸嘗孝  
敬所先寧容吉事備行斯典獨廢就令必宜廢祭則應三年永闕  
乃復同之他故有司攝禮進退二三彌乖典衷謂宜依舊親奉

書禮志上建元四年尚書令王儉採晉  
中朝諒闇議奏從之又見通典五十二

嗣位郊祀議

案秦爲諸侯雜祀諸時始皇并天下未有定祀漢高受命因雍四  
時而起北時始祀五帝未定郊丘文帝六年新垣平議初起渭陽

五帝廟武帝初至雍郊見五時後常三歲一郊祠雍元鼎四年始立后土祠於汾陰明年立太一祠於甘泉自是以後二歲一郊與雍更祠成帝初卽位丞相匡衡於長安定南北郊哀平之際又復甘泉汾陰祠平帝元始五年王莽奏依匡衡議還復長安南北二郊光武建武二年定郊祀兆於洛陽魏晉因循率由漢典雖時或參差而郊多間歲至於嗣位之君參差不一宜有定制檢晉明帝太監三年南郊其年九月崩成帝卽位明年改元卽郊簡文咸安二年南郊其年七月崩孝武卽位明年改元亦郊宋文帝元嘉三十年正月南郊其年二月崩孝武嗣位明年改元亦郊此則二代明例差可依放今聖明係業幽顯宅心言化則頻郊非嫌語事則元號初改醜燎登配孝敬兼遂謂明年正月宜饗禮二郊虞祭明堂自茲厥後依舊間歲

南齊書禮志上建元四年世祖卽位尙書令王儉議又略見南史二十二通典四十二

日蝕廢社議

禮記曾子問天子嘗禘郊社五祀之祭，簠簋既陳，唯大喪乃廢。至於當祭之日，火及日蝕，則傳尋伐鼓用牲，由來尚矣。而簠簋初陳，問所不及。據此而言，致齋初日，仍值薄蝕，則不應廢祭。又初平四年，博士孫瑞議以日蝕廢冠，而不廢郊。朝議從之。王者父天親地，郊社不殊，此則前準，謂不宜廢。前齊書禮志上永明元年十二月日合朔日蝕既在致齋內未審於社祠無疑不曹檢未有前準尚書令王儉議又見通典七十八

陽進士出身二品銜廣東等處提刑按察使司按察使兼管驛傳事務萬曆王毓藻校刊

全齊文卷十終

全齊文卷十一

烏程嚴可均校輯

王儉三

南郊明堂異日議

前漢各日，後漢亦不共辰。魏晉故事，不辨異同。宋立明堂，唯據自  
郊祖宮之義，未達祀天旅帝之旨。何者？郊壇旅天，甫自詰朝，還祀  
明堂，便在今日。是雖致祭有由，而煩黷斯甚。異日之議，於理爲弘。春  
秋感精符云：王者父天母地，則北郊之祀，應在明堂之先。漢魏北  
郊，亦皆親奉。晉泰寧有詔，未及遵建。咸和八年，甫得營繕。太常顧  
和秉議，親奉康皇之世，已經遵用。宋氏因循，未遑釐革。今宜親祠  
北郊。明年正月上辛祠昊天，次辛瘞后土，後辛祀明堂。御並親奉  
車服之儀，率遵漢制。南郊大駕，北郊明堂，降爲法駕，袞冕之服。諸  
祠咸用。

南齊書禮志上承明  
二年尚書令王儉議

釋奠釋菜議

周禮春入學舍菜合舞記云始教皮弁祭菜示敬道也又云始入學必釋奠先聖先師中朝以來釋菜禮廢今之所行釋奠而已金石俎豆皆無明文方之七廟則輕比之五祀則重陸納車胤謂宣尼廟宜依亭侯之爵范甯欲依周公之廟用王者儀范宣謂當其爲師則不臣之釋奠日宜備帝王禮樂此則車陸失於過輕二范又傷於太重喻希云若至王者自設禮樂則肆賞於至敬之所若欲嘉美先師則所通典作則須所通典作況非備尋其通典作此說守附情理皇朝屈尊弘教待以師資引同上公卽事惟允元嘉立學裴松之議應儻六佾以郊樂未具故權奏登歌今金石已備宜設軒縣之樂六佾之舞牲牢器用悉依上公南齊書禮志上永明三年尚書合王儉議又見通典五十三

皇孫南郡王冠議

皇孫冠事歷代所無禮雖有嫡子無嫡孫然而地居正體下及五

世今南郡王儼自儲邸實惟國裔元服之典宜異列蕃案士冠禮主人玄冠朝服賓加其冠贊者結纓鄭玄云主人冠者之父兄也尋其言及父兄則明祖在父不爲主也大戴禮記公冠篇云公冠自爲主四加玄冕以卿爲賓此則繼體之君及帝之庶子不得稱子者也小戴禮記冠義云冠於阼以著代也醮於客位三加彌尊加有成也注稱嫡子冠於阼庶子冠於房記又云古者重冠故行之於廟所以自卑而尊先祖也據此而言彌與鄭注儀禮祠會是故中朝以來太子冠則皇帝臨軒司徒加冠光祿贊冠諸王則郎中加冠中尉贊冠今同於儲皇則重依於諸王則輕又春秋之義不以父命辭王父命禮父在斯爲子君在斯爲臣皇太子居臣子之節無專用之道南郡雖處蕃國非支庶之列宜稟天朝之命徵申冠阼之禮晉武帝詔稱漢魏遣使冠諸王非古正典此蓋謂庶子封王合依公冠自主之義至於國之長孫遣使惟允宜使太常



持節加冠大鴻臚爲贊醢酒之儀亦歸二卿祝醢之辭附准經記  
別更撰立不依蕃國常體國官陪位拜賀自依舊章其日內外二  
品清官以上詣止車集賀並詣東宮南門通牋別日上禮宮臣亦  
詣門稱賀如上臺之儀既冠之後剋日謁廟以弘尊祖之義此既  
大典宜通闕八座丞郎並下二學詳議南齊書禮志上承明玉午  
儀注未育前準尚書令王  
儉議又見通典五十六

江徵不宜繼孫啟

禮無後小宗之文近世緣情皆由父祖之命未有既孤之後出繼  
宗族也雖復臣子一揆而義非天屬江忠簡府嗣所寄唯徵一人  
倘無眷屬徵宜還本若不欲江孫絕後可以徵小兒繼孫爲孫南  
齊書江徵傳初宋明帝敕徵出繼從叔  
孫爲從祖孫後於是僕射王儉啟

諫省南豫州啟

愚意政以江西連接汝潁士曠民希匈奴越逸唯以壽春爲阻若

使州任得才虜動要自聲聞豫設防禦此則不俟南豫假令或慮一失醜揭之來聲不先聞胡馬倏至壽陽嬰城固守不能斷其路朝廷遣軍歷陽已當不得先機戎車初戒每事草創孰與方鎮常居軍府素正臨時配助所益實少安不忘危古之善政所以江左屈分南豫意亦可求如閬西豫力役尙復粗可今得南譙等郡民戶益薄於其實益復何足云

南齊書州郡志上建元二年

立春在郊無煩遷日啟

案禮記郊特牲云郊之祭也迎長日之至也大報天而主日也易說三王之郊一用夏正盧植云夏正在冬至後傳曰啟蟄而郊此之謂也然則圜丘與郊各自行不相害也鄭玄云建寅之月晝夜分而日長矣王肅曰周以冬祭天於圜丘以正月又祭天以祈穀祭法稱燔柴太壇則圜丘也春秋傳云啟蟄而郊則祈穀也謹尋禮傳二文各有其義盧王兩說有若合符中朝省二丘以并一郊

卽今之郊禮義在報天事兼祈穀既不全以祈農何必俟夫啟塾  
史官惟見傳義未達禮旨又尋景平元年正月三日辛丑南郊其  
月十一日立春元嘉十六年正月六日辛未南郊其月八日立春  
此復是近世明例不以先郊後春爲嫌若或以元日合朔爲礙者  
則晉成帝咸康元年正月一日加元服二日親祠南郊元服之重  
百僚備列雖在致齋行之不疑今齋內合朔此卽前準若聖心過  
恭寧在嚴絜合朔之日散官備防非預齋之限者於止車門外別  
立幔省若日色有異則列於省前望實爲允竊謂無煩遷日南齊書禮  
志上永明元年當南郊而立春在郊後世祖  
欲遷郊尚書令王儉敗又略見通典四十二

與豫章王疑牋

舊楚蕭條仍歲多故荒民散亡

南史作政荒人散

竇須緝理公臨蒞南

英風惟穆江漢來蘇八州慕義自庾亮以來荆楚無復如此美政  
古人期月有成而公旬日致治豈不休哉南齊書豫章王疑傳建元元年遷揚州刺史

徐韋郡王僕射王儉處又南史  
四十二以此書在齊未受禪時

荅陸澄書

易體微遠實貫羣籍施孟異聞周韓殊旨豈可專據小王便爲該  
備依舊存鄭高同來說元凱注傳超邁前儒若不列學官其可廢  
矣賈氏注經世所罕習穀梁小書無俟兩注存糜略范率由舊式  
凡此諸義並同雅論疑孝經非鄭所注僕以此書明百行之首實  
人倫所先七略藝文並陳之六藝不與蒼頡凡將之流也鄭注虛  
實前代不嫌意謂可安仍舊立置

南齊書  
陸澄傳

荅王遠之問

皇太子穆妃服尚書左丞兼著作郎王遠之問左僕射王儉中軍  
南郡王小祥應待聞喜不穆妃七月二十四日薨聞喜公八月發  
哀計十一月之限應在六月南郡王爲當同取六月則太祥復申  
一月應用八月非復正月在存親之義若各自爲祥廬壑相聞立

素雜糅未審當有此疑不儉曰送往有已復生有節固極非服制所申祥緝明示終之斷相待之義經記無聞世人多以廬室衰麻不宜有異故相去一二月者或申以俱除此所謂任情徑行未達禮旨昔接喪記已嘗言之遠還之人自有爲而未祭在家之子立何辭以不變禮有除喪而歸者此則經記之遺文不待之明據假使應待則相去彌年亦宜必待乃爲衰經永服以窮生吉謂長絕於宗廟斯不可矣苟曰非宜則旬月之間亦不容申何者禮有倫序義無徒設今遠則不待近必相須禮例既乘卽心無取若疑兄弟同居吉凶舛雜則古有異宮之義設無異宮則遠還之子自應開立別門以終喪事靈筵祭奠隨在家之人再葺而毀所以然者奔喪禮云爲位不奠鄭玄云以其精神不存乎此也聞哀不時實緣在遠爲位不奠益有可安此自有爲而然不關嫡庶庶子在家亦不待嫡矣而況儲如正體王室中軍長嫡之重天朝又行權制

迺退彌復非疑謂不應相待中軍祥綽之日聞喜致哀而已不受  
弔慰及至忌辰變除昆弟亦宜相就寫情而不對客此國之大典  
宜通關八座丞郎共盡同異然後奏御

前齊書  
禮志下

竟陵王山居贊

升堂踐室金暉玉朗疊疊大韶遙遙閑賞道日德弘聲由業廣義  
重寶歸情深虛往濠梁在茲安事遐想

藝文類聚  
三十六

暢連珠

蓋聞王佐之才雖遠豈必見採於當世凌雲之氣徒盛無以自致  
於雲間是故魏人指玉於外野和氏泣血於荆山

藝文類聚  
五十七

高帝哀策文

降階執禮泣血纏心感容臺之罷御哀恭館之不臨仰神儀而歎  
絕視區物而懷陰俾茲良史敬修舊則敢圖鴻規式揚至德其辭  
曰

靈源遙裔，肇惟商已。聖功靈夏，賢識歸周。我皇踵武，超冠前猷。英風允迪，德音孔修。月準敷仁，日精表孝。則地均和，體天合照。外弘三至，內隆七教。水祀將傾，乾維晦象。韋弁長襲，鼓磬屬響。警化已淪，政刑遂往。國圖靡緝，民規載爽。康世以德，撥亂資武。威以雷靈，濶以風雨。六術允昭，四義克舉。自東徂北，遐方卽敘。功被河濟，化隆江漢。帝基仰式，王維佇幹。改步藩屏，來登翼贊。綱繆總章，因循陽館。昔在保衡，君違斯正。爰茲博陸，亦鑒靈命。放昏以忠，登明資敬。義煥金石，功昭舞詠。蠢爾荆漢，悖亂人經。謀連樞禁，兵接神洞。禦姦以德，禦兇以刑。獻捷宗寢，飲至王庭。政教雲行，徽猷天造。山鑑紫璇，苑茂朱草。玉檢騰暉，金繩薦寶。天鏡既穆，地維既肅。遐邇壹體，表裏禔福。乃眷斯民，昧且忸軸。興文偃武，繼禹舊服。所尚惟簡，所寶惟賢。居尊彌約，無善不延。膠庠載緝，風軌克宣。上洞清儀，下達玄泉。聽覽閑且，應物餘景。怡慮以文，棲心以靜。鴻章晨暎，徽

言夕永迹。區服情深。箕頰萬寓。槍利百神。受職梁甫。欣儀云亭。  
望式輔德。伊何奄捐。民極嵩岳。長傾宸暉。斯長機照。惟寂達鑒。靡  
傷。愼終敬始。知微知彰。立言垂範。玉潤金相。瞻仰遺式。哀結流霜。  
旋玉軼之瞰鏡。動雲旗之逶迤。振哀筋於八極。誓清蹕於咸池。願  
應掖而稍遠。視機衡而長離。風遲遲而懷暮。日憺憺其若垂。感衣  
冠於喬岳。追弓劍之在斯。悼丁年之薄祐。訴窮心於兩儀。藝文類  
聚十四

皇太子妃哀策文

肇惟初識。芳猷夙就。翩翩禮園。徘徊樂囿。視秋齊明。方春等茂。伊  
宋之季。天衢荐阻。谷我儲貳。締縉江澣。衛女事齊。樊姬費楚。美著  
嬪闈。徽音踵武。數盈則反。否極斯昌。肅膺靈命。經緯三光。往儀衡  
館。來式椒堂。綱組成事。象服有章。八綬仰則。六幽望景。悠悠草昧。  
如何不永。方中委曜。先秋落穎。世有遺塵。庭無餘影。嗚呼哀哉。遵  
三兆之嘉日。迨九筮之靈期。澄金波而映鑾旒。命飛廉而拂瓊輿。



揚清節於漢表，動嘯挽於雲基。

藏文類聚十六

太宰褚彥回碑文

并序

夫太上有立德，其次有立功，此之謂不朽。所以子產云：亡宣尼泣其遺愛，隨武既沒，趙文懷其餘風於文簡公見之矣。公諱淵，字彥回，河南陽翟人也。微子以至仁開基，宋段以功高命氏。爰逮兩漢，儒雅繼及，魏晉以降，奕世重暉。乃祖太傅元穆公，德合當時，行比州壤，深識臧否，不以毀譽形言。亮采王室，每懷沖虛之道，可謂婉而成章，志而晦者矣。自茲厥後，無替前規。建官惟賢，軒冕相襲，公稟川嶽之靈暉，含珪璋而挺曜，和順內凝，英華外發。神茂初學，業隆弱冠，是以仁經義緯，敦穆於閭庭，金聲玉振，寥亮於區寓。孝敬淳深，率由斯至，盡歡朝夕，人無間言。逍遙乎文雅之圃，翱翔乎禮樂之場，風儀與秋月齊明，音徽與春雲等潤。韻宇弘深，喜慍莫見，其除心明通亮，用言必由於己，汪汪焉洋洋焉，可謂澄之不清，挹

之不濁袁陽源才氣高奇綜覈精裁宋文帝端明臨朝鑒賞無味  
袁既延譽於遐邇文亦定婚於皇家遂尙餘姚公主拜駙馬都尉  
漢結叔高晉姻武子方斯歲如也釋褐著作佐郎轉太子舍人崔  
纓登朝冠冕當世升降兩宮實惟時寶具瞻之範既著台衡之望  
斯集出參太宰軍事入爲太子洗馬俄遷祕書丞贊道槐庭司文  
天閭光昭諸侯風流藉甚以父憂去職喪過乎哀幾將毀滅有識  
留感行路傷情服闋除中書侍郎王言如絲其出如綸恪居官次  
智効惟穆于時新安王寵冠列蕃越敷邦教毗佐之選妙盡國華  
出爲司徒右長史轉尙書吏部郎執銓以平御煩以簡裴楷清通  
王戎簡要復存於茲泰始之初入爲侍中曾不移朔遷吏部尙書  
是時天步初夷王途尙阻元戎啟行衣冠未緝內贊謀謨外康流  
品制勝既遠涇渭斯明賞不失勞舉無失德績簡帝心聲敷物聽  
事寧領太子右衛率固讓不拜尋領驍騎將軍以帷幄之功膺唐

祇之秩封雩都縣開國伯食邑五百戶既秉辭梁之分又懷寢上  
之志所受田邑不盈百井久之重爲侍中領右衛將軍盡規獻替  
均山甫之庸緝熙王旅兼方叔之望丹陽京輔遠近攸則吳興襟  
帶實惟股肱頻作二守並加蟬冕政以禮成民是以息明皇不豫  
儲后幼沖貽厥之寄允屬時望徵爲吏部尙書領衛尉固讓不拜  
改授尙書右僕射端流平衡外寬內直弘二八之高慕宣由庚而  
垂詠太宗卽世遺命以公爲散騎常侍中書令護軍將軍送往事  
居忠貞允亮秉國之鈞四方是維百官象物而動軍政不戒而備  
公之登太階而尹天下君子以爲美談亦猶孟軻致欣於樂正羊  
職悅賞於士伯者也丁所生母憂謝職毀疾之重囚心則至朝議  
以有爲爲之魯侯垂式存公忘私方進明準爰降詔書敦還攝任  
固請移歲表奏相望事不我與屈已弘化屬值三季在辰感蕃內  
侮桂陽失國窺齋神器鼓棹則滄波振蕩建旗則日月蔽虧出江

派而風翔入京師而雷動。鳴絃於宗稷，流鋒鏃於象魏。雖英宰  
臨戎，元稟時珍，而餘黨竄繁，宮廟憂逼。公乃繼熊羆之士，不貳心  
之臣。戮力盡規，克寧禍亂。康國祚於緄旒，拯王維於已墜。誠由太  
祖之威風，抑亦仁公之翼佐。可謂德刑詳禮，義信戰之器也。以靖  
難之功，進爵爲侯，兼授尚書令、中軍將軍，給班劍二十人。功成弗  
有，固秉撝挹，改授侍中、中書監、護軍如故。又以昏母親去官，雖事緣  
義感，而情均天屬。顏丁之合禮，二連之善喪，亦曷以踰。天厭宋德，  
水運告謝，嗣王荒怠於天位，強臣憑陵於荆楚。廢昏繼統之功，會  
亂寧民之德。公實仰贊宏規，參間神算，雖無受脤出車之庸，亦有  
甘寢秉羽之績。乃作司空，山川攸序，兼授衛軍。戎政輯睦，旣而齊  
德龍興，順皇高禩，深達先天之運，匡贊奉時之業。弼諧允正，徽猷  
弘遠，樹之風聲，著之話言，亦猶稷契之臣，虞夏荀裴之奉。魏晉自  
非坦懷至公，永鑒崇替，孰能光輔五君，寅亮二代者哉。大啟南康。

爰登中鉉。時膺土宇。固辭邦教。今之尙書。令古之家宰。雖秩輕於  
衮司。而任隆於百辟。暫遂沖旨。改授朝端。邇無異言。遠無異望。帝  
嘉茂庸。重申前冊。執五禮以正民。簡八刑而罕用。故能聘績康衢。  
延慈哲后。義在資敬。情同布衣。出陪鑿鑿。入奉帷殿。仰南風之高  
詠。餐東野之祕寶。雅議於聽政之晨。披文於宴私之夕。參以酒德。  
間以琴心。賸有餘暉。遙然畱想。君垂冬日之溫。臣盡秋霜之戒。肅  
肅焉。穆穆焉。於是見君親之同致。知在三之如一。太祖升遐。綱繆  
遺寄。以侍中司徒錄尙書事。稟玉几之願。奉綴衣之禮。擇皇齊之  
令典。致聲化於雍熙。內平外成。實昭舊職。增給班劍三十人。物有  
其容。徽章斯允。位尊而禮卑。居高而思降。自夏徂秋。以疾陳退。朝  
延重違謙光之旨。用申超世之尙。改授司空領驃騎大將軍。侍中  
錄尙書如故。景命不永。大漸彌爾。建元四年八月二十一日薨於  
私第。春秋四十有八。昔柳莊疾棘。衛君當祭。而輟禮。晏嬰旣往。齊

君趨車而行哭公之云亡。聖朝震悼於上，羣后恇慟於下，豈惟哀  
纏一國，痛深一主而已哉。追贈太宰侍中錄尚書如故，給節羽葆  
鼓吹班劍爲六十人。諡曰文簡，禮也。夫秉德而處，萬物不能害其  
貞，虛己以遊，當世不能擾其度。均貴賤於條風，忘榮辱於彼我。然  
後可兼善天下，聊以卒歲。經始圖終，式免祇悔。誰云克備，公實有  
焉。是以義結君子，惠霑庶類。言象所未形，述詠所不盡。故吏某甲  
等感逝川之無捨，哀清暉之眇默。餐輿誦於丘里，瞻雅詠於京國。  
思衛鼎之垂文，想晉鍾之遺則。方高山而仰止，刊玄石以表德。其  
辭曰。

辰精感運，昂靈發祥。元首惟明，股肱惟良。天鑒璿曜，踵武前王。欽  
若元輔，體微知章。永言必孝，因心則友。仁洽兼濟，愛深善誘。觀海  
齊量，登嶽均厚。五臣茲六，八元斯九。內諷帷幄，外曜台階。遠無不  
肅，邇無不懷。如風之偃，如樂之諧。光我帝典，緝彼民黎。率禮蹈謙。

諒實身幹跡屈朱軒志隆衡館眇眇玄宗萋萋辭翰義既川流文亦霧散嵩構云頽梁陰載缺德猷靡嗣儀形長逝怛悵餘徽鏘洋遺烈久而彌新用而不竭

文選類聚四十五

南郡王冠祝辭

皇帝使給事中太常武安侯蕭惠基加南郡王冠祝曰筮日戒賓

肇加元服棄尔幼志從厥成德親賢使能克隆景福

南齊書禮志上永明五年

南郡王昭業冠又見通典五十六

南郡王冠醮酒辭

旨酒既清嘉薦既盈兄弟具在淑慎儀形永屆眉壽於穆斯靈

南齊書禮志上通

通典五十六

賜進士出身二品銜廣東等處提刑按察使司按察使兼管驛傳事務黃岡王毓藻校刊

全齊文卷十一終

全齊文卷十一

十



全齊文卷十二

烏程嚴可均校輯

王奐

奐，僧虔從子。出繼從祖中書令球。字彥孫，仕宋爲著作佐郎。太子舍人安陸王冠軍主簿。太子洗馬。本州別駕中書郎。桂陽王司空諮議黃門郎。元徽初，爲晉熙王征虜長史。江夏內史。遷侍中領步兵校尉。復出爲晉熙王鎮西長史。加冠軍將軍。江夏武昌太守。徵祠部尙書。轉掌吏部。昇明初，遷冠軍將軍丹楊尹。出爲吳興太守。進號征虜將軍。齊受禪，進號左將軍。遷太常。仍轉侍中祕書監。領驍騎將軍。又遷征虜將軍。臨川王鎮西長史。領南蠻校尉。南郡內史。進號前將軍。武帝卽位，徵右僕射。轉使持節前將軍。湘州刺史。徙散騎常侍。江州刺史。遷右僕射。本州中正。遷尙書僕射。領軍將軍。轉左僕射。加給事中。出爲使持節鎮

北將軍雍州刺史永明十一年坐擅殺監蠻長史劉興祖被收  
舉兵拒命尋伏誅

讓領南蠻校尉表

今天地初開萬物載新荆蠻來威巴濮不擾但使邊民樂業有司  
修務本府舊州日就殷阜臣昔遊西土較見盈虛兼日者戎燼之  
後煨毀難復雖復緝以善政未及來蘇今復割撤大府制置偏校  
崇望不足以助強語實安能以相弊且資力既分職司增廣眾勞  
務倍文案滋煩非獨臣見其難竊以爲國計非允

南齊書  
王奐傳

王融

融字元長儉從子宋中書令僧達孫舉秀才爲晉安南中郎參  
軍歷晉陵王司徒法曹參軍遷祕書丞丹陽丞中書郎兼主客  
郎竟陵王子良以爲監朔將軍軍主鬱林王卽位收下廷尉獄  
賜死年二十七有集十卷

擬風賦

奄今日采之既移忽今羣景之將馳。靡輕宵之碧葉。泛曾松之翠枝。總高羽而蕭瑟。韻珠露之參差。此烈士之英風。長寥亮其如斯。

魏文類聚一  
初學記一

應竟陵王教桐樹賦

梧桐生矣于邱岫之曾隈。儀龍門而插幹。佇鳳羽以抽枝。蹤楚宮而留稱。藉潘館以翻聲。直不繩而特秀。圓匪規而天成。同歲草以委暮。共辰物而滋榮。豈遠心於自外。寧有志於孤貞。  
魏文類聚  
八十八

永明九年策秀才文

問秀才高第明經。朕聞神靈文思之君。聰明聖德之后。體道而不居。見善如不及。是以崆峒有順風之請。華封致乘雲之拜。或揚旌求士。或設簞待賢。用能數化一時。餘烈千古。朕夙奉天命。恭惟永圖。審聽高居。載懷祇懼。雖言事必史。而象闕未箴。寤寐嘉猷。延佇忠

賓子大夫選名升學，利用賓王懋陳三道之要，以光四科之首，鹽梅之和，屬有望焉。

又問昔周宣情千畝之禮，號公納諫，漢文缺三推之義，賈生置言，良以食爲民天，農爲政本，金湯非粟而不守，水旱有待而無憑，朕式照前經，寶茲稼穡，祥正而青旂肅事，土膏而朱紘戒典，將使杏花萑葉，耕穫不愆，清剛冷風，述遵無廢，而釋耒佩牛，相沿莫反，兼貧檀富，浸以爲俗，若爰井開制，懼驚擾愚民，曷齒可腴，恐時無史白，輿廢之術，矢陳厥謀。

又問議獄緩死，大易深規，敬法卹刑，虞書茂典，自萌俗澆弛，法令滋彰，肺石少不寃之人，棘林多夜哭之鬼，朕所以明發動容，吳食興慮，傷秋荼之密網，慟夏日之嚴威，永念畫冠，緬追刑厝，徒以百飯輕科，反行季葉，四支重罰，爰創前古，訪游禽於絕淵，作霸秦基，歌雞鳴於闕下，稱仁漢牘，二途如爽，卽用兼通，昌言所安，朕將親

覽

又問聚人曰財次政曰貨泉流表其不匱貿遷通其有亡既龜貝積藏緡縱專用世代滋多銷漏參倍下貧無兼辰之業中產闕治歲之貲惟瘼卹隱無捨矜嘆上帝溥臨賜朕休實命卽斜之谷開而出銅且有後命事茲鎔範充都內之金紹園府之職但赤側深巧學之患榆莢難輕重之權開塞所宜悉心以對

又問治麻明時紹遷革之運改憲救法審刑德之原分命顯於唐官文條炳於鄒說及岨夷廢職昧谷虧方漢秉素祗之微魏稱黃星之驗紛爭空軫疑論無歸朕獲纂洪基思弘至道庶令日月休徵風雨玉燭克明之旨弗遠欽若之義復還於子大夫何如哉其驥翰改色寅丑殊建別白書之

文選

永明十一年策秀才文

問秀才朕秉籙御天握樞臨極五辰空撫九序未歌至於思政明

臺訪道宣室若墜之惻每勤如傷之念恆軫故郵貧緩賦省繇慎獄而多黍多稌不興兩穗之謠無褐無衣必盈七月之歎豈布政未優將罷民難業登爾於朝是屬宏議罔弗同心以匡厥辟

又問惟王建國惟典命官上叶星象下符川嶽必待天爵具修人紀成事然後沿才受職揆務分司是以五正置於朱宣下民不忒九工開於黃序庶績其凝周官三百漢位兼倍歷茲以降游惰實繁若閑冗畢弃則橫議無已冕笏不澄則坐談彌積何則可修善詳其對

又問昔者賢牧分陝良守共治下邑必樹其風一鄉可以爲績至有旦撫鳴琴日置醇酒文而無害嚴而不殘故能出人於阽危之域躋俗於仁壽之地是以賈誼有言天下之有惡吏之罪也頃深汰珪符妙簡銅墨而春雉未馴秋螟不散入在朕前湊其智略出連城守闕爾無間豈薪樵之道未弘爲網羅之目尙簡悉意正辭

無侵執事。

又問朕聞上智利民，不述於禮。大賢疆國，罔圖惟舊。豈非瘵飢，不期於鼎食。拯溺無待於規行，文儒是競，弁本殉末。厥弊滋多，昔宋臣以禮樂爲殘賊。漢主比文章於鄭衛，豈欲非聖無法。將以旣道而權，今欲專士女於耕桑。習鄉閭以弓騎，五都復而事庠序。四民富而歸文學，其道奚若。爾無面從。

又問自晉氏不綱，關河蕩析。宋人失馭，淮汴崩離。朕思念舊民，永言攸濟。故選將開邊，勞來安集。加以納款通和，布德修禮。歌皇華而遣使，賦膏雨而懷賓。所以關洛動南望之懷，獯夷遽北歸之念。夫危葉畏風，驚禽易落。無待干戈，聊用辭辯。片言而求三輔，一說而定五州。斯路何階，人誰或可。進謀誦志，以沃朕心。文選

拜祕書丞謝表

臣聞升籙戒晨，陰牆不照其景。膚雲停夕，幽草或漏其津。至如明

兼就日澤深行雨。不有聖德。誰或其然。所以欽至道而出青皋。捨布衣而望朱闕。懷祿仕在代耕。期榮不謀入用。豈悟特擢之例。事均延祖。置佐之恩。任光元輔。踰溢情涯。昔燭身表。畏翹車而必讓。誠濡翼之願辭。既聖主謂其可施。故愚臣默思自勉。初學記十二

爲王儉讓國子祭酒表

竊以庠均義重。振古所崇。資師道尊。有來攸尙。匪曰蘭芷。疇變入室之情。不自朱藍。何遷素絲之質。藝文類聚四十六 御覽二百三十六

又表

況臣仁慚富侶。德謝潤身。識陋令經。器非匣重。何以昇墜道於殊身。反斯文於遙日。將使良璣修竹。無增瑩羽。敬遜務時。遂騫星歲。

藝文類聚

四十六

又表

臣聞修危方湛。弱露霑而取覆。懸衡紀正。輕塵委而必移。況臣才



非應俗用乖知治取其集木飲冰旌懸輪蓋方臣之念未足言矣

藝文類聚

四十六

上疏請給虜書

臣側聞僉議疑給虜書如臣愚情切有未喻夫虜人面獸心狼猛  
蜂毒暴悖天經虧違地義逋竄燭幽去來幽朔綿周漢而不悛歷  
晉宋其踰梗豈有愛敬仁智恭讓廉修慙犬馬之馴心同鷹虎之  
反目設橐秣有儲筋竿足用必有草竊關燧寇擾邊疆寧容款塞  
卑辭承衣請朔陛下務存遵養不時侮亡許其膜拜之誠納蒙之  
賚況復願同文軌儻見款遣思奉聲教方致猜拒將使舊邑遺逸  
未知所置衰胡餘噍或能自推一令蔓草難鋟涓流泛酌豈直疥  
癢輕疴容爲心腹重患抑孫武之言也因則數罰寤則多賞先暴  
而後畏其忍者虜之謂乎前中原土庶雖淪懾殊俗至於婚葬之  
晨猶巾禭爲禮而禁令苛刻動加誅轍于時獯粥初遷犬羊尙結

卽心徒怨，困懼成逃。自其將卒奔離，資待銷闕。北畏勅蠶，西逼南  
胡。民背如崩，勢絕防斷。於是曲從物情，僞竊章服。歷年將絕，隱蔽  
無聞。旣南向而泣者，日夜以覬。北顧而辭者，江淮相屬。凶謀歲蒼，  
淺慮無方。於是稽顙郊門，問禮求樂。若來之以文德，賜之以副書。  
漢家軌儀，重臨畿輔。司隸傳節，復入關河。無待八百之師，不期十  
萬之眾。因其提漿伋俟，揮戈願倒。三秦大同，六漢一統。又虜前後  
奉使，不專漢人。必介以匈奴，備諸規獲。且設官分職，彌見其情。抑  
退舊苗，扶任種戚。師保則后族，馮晉國。總錄則邦姓，直勒渴。侯台  
鼎則三顏，苟仁端執政。則目凌鉗耳。至於東都羽儀，西京簪帶。崔  
孝伯程虞，虬久在著作。李元和郭季祐，上于中書。李思冲飾虜清  
官游助根，泛居顯職。今經典遠被，詩史北流。馮李之徒，必欲遵尙。  
直勒等類，居致乖阻。何則？匈奴以臨騎爲帷牀，馳射爲檠糧。冠方  
帽則犯沙陵雪，服左衽則風驟鳥逝。若衣以朱裳，戴之玄冕。飾其

捐讓教以翔趨必同艱桎梏等懼冰淵婆娑踉蹌困而不能前已  
及夫春草水生阻散馬之適秋風木落絕驅禽之歡息沸脣於桑  
墟別醒乳於冀俗聽韶雅如聾曠臨方丈若爰居馮李之徒固得  
恣矣虜之凶族其如病何於是風土之思深愼戾之情動拂衣者  
連裾抽鋒者比鏃部落爭於下西渠危於上我一舉而兼吞下莊  
之勢必也且棘寶薦虞晉疆彌盛大鍾出智宿氏以亡帝略遠乎  
無思不服鑿光幸岱匪暮斯朝臣請收籍伊瀝茲書復掌猶取之  
內府藏之外籙於理有愜卽事何損若狂言足採請泐敕施行

書王融傳窮遣使求書  
朝議欲不與融上疏

畫漢武北伐圖上疏

藝文類聚題作答敕  
撰漢武北伐圖賦敕

臣間情愴自中事符則感象構於始機動斯彰莊敬之道可宗會  
捐讓其彌肅勇烈之士足貴應鑿鐸以增思肇植生民厥詳既緬  
降及興運維道有徵莫不有所因循而升皇業者也若夫膏腴既

稱太乙知五方之富。皮幣已列。帝劉測四海之尊。異封禪之文。則  
升中之典。攸嚮嘆輿地之圖。乃席卷之庸。是立伏惟陛下窮神盡  
聖。總極居中。偶化兩儀。均明二耀。拯玄綱於頽絕。反至道於澆漓。  
可謂區寓儀刑。齊民先覺者也。臣亦遭逢生此嘉運。鑿飲耕食。自  
幸唐年。而諷用昏寤。經術疏淺。將邁且輒。豈蔽與蔽。皇鑒燭幽。天  
高聽下。賞片言之或善。矜一物之失時。渝拂塵蒙。霽飾光價。拔足  
草廬。厠身朝序。復得拜賀歲時。瞻望日月。於臣心願。曾已畢矣。但  
千祀一逢。林明難再。思策鉛鴛。樂陳涓壚。竊習戰陣。攻守之術。農  
桑牧藝之書。申商韓墨之權。伊周孔孟之道。常願待詔朱闕。俯對  
青蒲。請開宴之私。談當世之務。位賤人微。徒深傾款。方今九服清  
怡。三靈和晏。木有附枝。輪無異轍。東嶷獻舞。南嶽傳歌。羌夔踰山。  
秦屠越海。舌象翫委體之勤。輪譯厭瞻巡之數。固將開桂林於鳳  
山。創金城於西守。而齋爾獯狄。敢讎大邦。假息關河。竊命函谷。淪

故京之爽塏，變舊邑而荒涼。息反坫之儒衣，久伊川之被髮。北地殘氓，東都遺老，莫不茹泣吞悲，傾耳戴目，翹心仁政，延首王風。若試馳咫尺之書，具甄戎旅之卒，徇其墮城，納其降虜，可弗勞弦鏃，無待干戈。眞皇王之兵，征而不戰者也。臣乞以執殳先邁，式道中

原澄瀚渚

蘇文類聚作海

之恆流，掃狼山之積霧，係單于之頸，屈左賢之

膝，習呼韓之舊儀，拜鑾輿之巡幸。然後天移雲動，勒

蘇文類聚作丹

封岱

宗，咸五登三，追蹤七十，百神肅警，萬國具僚，瓊弁星離，玉帛雲聚。

集三燭於蘭席，聆萬歲之禎聲，豈不盛哉！豈不遒哉！昔桓公志在

伐莠，郭牙審其幽趣，魏后心存去漢，德祖究其深言，臣愚昧忤誠，

不足以知微，然伏揆聖心，規模弘遠，旣圖載其事，必克就其功，臣

不勝歡喜。

南齊書王融傳永明末世祖欲北伐使毛惠秀畫漢武北伐圖使融掌其事融好功名因此上疏蘇文類聚五

十九

上疏乞自劾

蘇文類聚題作勸高帝北伐啟乃武帝之諫

臣每覽史傳見憂國忘家捐生報德者未嘗不撫卷歎息以爲古今共情也然或以片言微感一滄小惠參國士之旤同布素之遊耳豈有如臣獨拔無間之伍過超非分之位名器雙假榮祿兩升而宴安具罷之晨優游旰食之日所以敢布丹愚仰聞宸聽今議者或以西夏爲念臣竊謂之不爾其故何哉陛下聖明羣臣悉力順以制逆上而御下指開賞黜之言微示生死之路方域之人皆相爲敵旣兵威遠臨人不自保雖窮鳥必啄固等命於梁蘇文類聚作良鷄困獸斯驚終並懸於厨鹿凱師勞飲固不待晨臣之寸心獨有微願自檢狃荐食荒侮伊瀍天道禍淫危亡日至母后內難兵力外虛謠言物情屬當今會若藉巫漢之歸師聘士卒之餘憤取函谷魏文類聚作河如反掌陵關塞若摧枯但士非素蓄無以卽用不教民戰是實棄之特希私集部曲豫加習教若蒙垂許乞隸監省拘食人身權備石頭防衛之數臣少重名節早習軍旅若試而無績伏

受面欺之誅用且有功仰酬知人之哲

南齊書王融傳朝廷詩齊州刺史王與融復上疏

文類聚

五十九

求自試啟

臣聞春庚秋蟀集候相悲露水風榮

魏文類聚作露

臨年共悅夫唯動植

且或有心況在生靈而能無感臣自奉望宮闕沐浴恩私拔迹庸  
虛參名盛列纓劔紫複趨步丹墀歲時歸來誇榮邑里然無勤而  
官昔賢曾議不任而祿有識必幾臣所用慷慨憤滿不遑自安誠  
以深恩鮮報聖主難逢蒲柳先秋光陰不待貪及明時展悉愚効  
以酬陛下不世之仁若微誠獲信短才見序文武吏法惟所施用  
夫君道含弘臣術無隱翁歸乃居中自見充國曰莫若老臣竊景  
前修敢蹈輕節曰魏文類聚作雖冒不媒之鄙式罄奉公之誠抑又唐堯  
在上不參二八管夷吾恥之臣亦恥之願陛下裁覽

南齊書王融傳載文類聚

一五十一

謝武陵王賜弓啟

殿下擣藻蕙樓，暢裁蘭苑，敷積

裁文類聚作積

玉於風筵，疊連珠於月韻。

御覽

鬼園掩秀，鄴水慙奇，融指讓未工，濫升下

御覽作陪升

飲之賞，操

孤反正。

裁文類聚作失 謬奉招賢之錫，文韜鏤景，逸幹梢雲，玩溢百齡，佩

流千載。

裁文類聚六十初學記一十二御覽三百四十七

謝敕賜御裘等啟

雲衣降授，仙裾曲委，榮振素里，澤駭蓬心，昔漢帝解裘，不獨前寵。

曹王褫帶，復降今恩。

裁文類聚六十七

謝竟陵王賜納裘啟

降飾自尊，垂榮及賤，玄玉不純，曾波奪采，南陸方永，北風日壯，無

衣無褐，發念聖衷，而袂纒之間，每流解裘之賜，偏委

裁文類聚六十七

謝竟陵王示扇啟

竊以六翮風流，五明氣重，若此圓綃，有兼玩寶，輕踰雪羽，絜並霜



文子淑賞其如規班姬儷之明月豈直魏王九華漢臣百綺况復  
動製聖衷垂言炯式載募聽脉戒範樞機裁文類聚六十九

謝司徒賜紫鮮啟

東越水羞寶鬢乘時之美南荆任土方指鮮魚之最裁文類聚七十二  
謝敕賜米啟

臣無王陽之術計然之智不能負粟百里分地一廛上虧溫養白  
取飢切豈悟外恩橫集天私妄委裁文類聚七十二

謝安陸王賜銀鉢啟

素金之貴有訪仙經鑄刻可奇見符神鼎撤膳器於珍羞之席降  
寶玩於單瓢之門裁文類聚七十三  
御覽七百五十九

謝竟陵王示法制啟

翔慧燭於昏塗灑法水於塵路至夫澄心洗累之規莊情束影之  
制解網出界之訓滅惑淨照之旨固以行首霜威字端風厲信可

以糟滓五書，糠粃百氏，升罩聃周，筭筭尼旦，所謂窺七澤而狹潢  
汗，登大山而小天下。藝文類聚  
七十七

法門頌啟

依以迦文啟聖，道冠百靈，常住置言，理高萬乘，神儀挺發，非望雲  
就日所追，睿識獨尊，豈生明弱，言能企鹿，苑金輪弘，汲引以濟俗，  
鶴林雙樹，顯究竟以開氓，惜乎祇園滅影，鷲岳淪光，微辭既遙，大  
義如綴，自不宣遊十地，擁接九區，豈有導覺水之塞源，極法雲於  
落仞，明分覽四諦之必空，悟三業之暫有，應務屈己，則仁兼旦爽，  
隨方申道，則慧一淨名，驅率土於福林，入蒼黔於正術。藝文類聚  
七十七  
為竟陵王與隱士劉蚪書

玉燭登年，金商在律，炎涼始質，動靜惟安，勤味道腴，幸遵雅尚，豈  
不樂哉，僕誠幸甚，百姓一心，眾生不疾，比屋可封，將又何求，但良  
書獨據，善談無机，願言之子，實悔我心，所以不遠千里，尺書道意。

自清清既辨，澆漓代襲，隱顯之術參差，默語之途紛互，或飾智以警愚，或激情以悟俗，或砥己以開通，或謬歌以明道，屠羊駟馬，未足磷其堅，佯狂如愚，豈能緇其白，官楚蕃魏，人外之氣逾逆，入漢遊梁，區中之韻彌少，及推其輕重，品其得失，則淵懷洞賞，寧或符之，僕夙養閒襟，長慕出概，迹塵珪組，心逸江湖，末面自親，聞風如舊，而迴駕之念徒軫，式閔之禮無階，固已伫軸深衷，傾筐遐路者矣，君矯然獨遠，確乎難拔，素志與白雲同悠，高情與青松共爽，宣習質文，緇林枯而重茂，昭辨空有，連河壅而復滔，所謂忘言之人，可論天人之際，豈能鳳舉鶴翮，有心儀羣，高踰愛海，比策禪衢，沾濠射之冥游，屈祗鷺之法侶，闡三乘於窮子，發二諦於困蒙，有是因也，何其暢敷，今皇風具穆，至道弘被，四海不溢，五嶽無塵，膠序肇修，經法敷廣，人賤璣璫，家習禮讓，樵蘇必時，郊林全鬱，罍網有節，鱗羽偕翔，至於層山絕澗，還帶幾畎，膏田沃野，互望塵躔，信可

以招往隱淪棲集勝寄故文學築室治城之阿次宗植援西山之趾葛洪考槃於海岫釋遠肥近於鍾幽每踐其遺蹤輒深九原之歎若高步可遷復何懷乎四子昔宣尼之見伯雪師利之往維摩豈不知相忘之道哉諒有以也未攸之間爲道自愛一二令浚瑯之口具

廣弘明集十九末  
云王元長之詞也

下獄答辭

內實頑蔽觸行多讐但夙忝門素得奉教君子爰自總髮迄將立年州閭鄉黨見以計愚慎朝廷衣冠謂無聲咎過蒙大行皇帝獎育之恩又荷文皇帝識摧之重司徒公賜預士林安陸王曲垂眄接既身被國慈必欲以死自効前後陳伐虜之計亦仰簡先朝今段犬羊乍擾紀僧真奉宣先敕賜語北邊動靜令囚草撰符詔于時卽因啟聞希侍鑿鑿及司徒宣敕招募同例非一實以戎事不小不敢承教續蒙軍號賜使招集銜敕而行非敢虛扇且格取亡叛

不限倫楚，狡弄聲勢，應有形迹，專行權利，又無賊貲，反覆唇齒之間，未審悉與誰言，傾動頰舌之內，不容都無彼此，但聖主膺教，實所沐浴，自上甘露，頌及銀鬃，啟三日詩序，接虜使語，餽竭思稱，揚得非誹謗，且王公百司，唯賢是與，高下之敬，等秩有差，不敢踰濫，豈應誅毀，囚才分本劣，謬被策用，悚作之情，夙宵兢惕，未嘗誇示里閭，彰曝遠邇，自循自省，並愧流言，良由緣淺寡處，致貽囂謗，伏惟明皇臨宇，普天蒙澤，戊寅放恩，輕重必宥，百日曠期，始蒙旬日，一介罪身，獨嬰憲劾，若事實有徵，爰對有在，九死之日，無恨泉壤。

南齊書  
王融傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全齊文卷十三

烏程嚴可均校輯

王融

三月三日曲水詩序

臣聞出豫爲象，鈞天之樂張焉。時乘既位，御氣之駕翔焉。是以得一奉宸，逍遙襄城之域。體元則大，悵望姑射之阿。然眷眇寂寥，其獨適者已。至如夏后兩龍，載驅崑臺之上。穆滿八駿，如舞瑤水之陰。亦有警云：固不與萬民共也。我大齊之握機創屨，誕命建家。接禮貳宮，考庸太室。幽明獻期，雷風通響。昭華之珍既徙，延喜之玉攸歸。革宋受天，保生萬國。度邑靜鹿丘之歎，遷鼎息大垠之慙。紹清和於帝猷，聯顯懿於王表。敷發開其遠祥，定爾固其洪業。皇帝體膺上聖，運鍾下武。冠五行之秀氣，邁三代之英風。昭章雲漢，輝麗日月。牢籠天地，彈壓山川。設神理以景俗，敷文化以柔遠。澤普

汎而無私。法含弘而不殺。猶且具明廢寢。吳晷忘餐。念負重於春  
冰。懷御奔於秋駕。可謂執蕪弗與。蕩蕩誰名。秉靈圖而非泰。涉孟  
門其何嶮。儲后睿哲在躬。妙善居質。內積和順。外發英華。斧藻至  
德。琢磨合範。言炳丹青。道潤金璧。出龍樓而問豎。入虎闕而齒曹  
愛敬盡於一人。光耀究於四海。若夫族茂麟趾。宗固磐石。跨掩昌  
姬。韜軼炎漢。元宰比肩於尚父。中鉉繼踵乎周南。分陝流勿翦之  
權。來仕允克施之譽。莫不如珪如璋。令聞令望。朱弟斯皇。室家君  
王者也。本枝之盛如此。稽古之政如彼。用能免羣生於湯火。納百  
姓於休和。草萊樂業。守屏稱事。引鏡皆明目。臨池無洗耳。沈冥之  
怨既缺。邁軸之疾已消。興廉舉孝。歲時於外府。署行議年。日夕于  
中甸。協律總章之司。厚倫正俗。崇文成均之職。導德齊禮。挈壺宣  
夜。辯氣朔於靈臺。書笏珥彤。紀言事於仙室。褰帷斷裝。危冠空履  
之史。影搖武猛。扛鼎揭旗之士。勸恤民隱。斜逝王懸。射集隼於高



塢繳大風於長隧，不仁者遠，惟道斯行，讓芳茂聞，攘爭掩息，稀鳴  
杵於砥路，鞠茂草於圓扉，耆年闕市井之游，稚齒豐車馬之好，宮  
鄰昭泰，荒憚清夷，侮食來王，左言入侍，離身反踵之君，墨首貫胃  
之長，屈膝厥角，請受纓縻，文鉞碧帟之琛，奇幹善芳之賦，紈牛露  
犬之玩，乘黃茲白之駟，盈衍儲邸，充切郊虞，區牘相尋，鞮譯無曠  
一尉候於西東，合車書於南北，暢轂理轉，麟之轍，綏旂卷悠悠之  
旒，四方無拂，五戎不距，偃革辭軒，銷金罷刃，天瑞降，地符升，澤馬  
來，器車出，紫脫華，朱英秀，佞枝植，麻草孽，雲潤星暉，風揚月至，江  
海呈象，龜龍載文，方握河沈璧，封山紀石，邁三五而不追，踐八九  
之遙迹，功既成矣，世既貞矣，信可以優游暇豫，作樂崇德者歟，于  
時青鳥司開，條風發歲，粵上斯已，惟暮之春，同律克和，樹草自樂，  
禎飲之日在茲，風舞之情咸蕩，去肅表平時訓，行慶動於天賜，載  
懷平圃，乃瞻芳林，芳林園者，福地奧區之湊，丹陵若水之舊，殷殷

均乎姚澤，應臨尚於周原。狹豐邑之未宏，陋譙居之猶褊。求中和而經處，揆景緯以裁基。飛觀神行，虛籟雲構。離房乍設，層樓間起。負朝陽而抗殿，跨靈沼而浮榮。鏡文虹於綺疏，浸蘭泉於玉砌。幽幽叢薄，秩秩斯干。曲梯迢迢，潺湲徑復。新萍泛沚，華桐發岫。雜天采於柔荑，亂嚶聲於絲羽。禁軒承幸，清宮俟宴。緹帷宿置，帶幕宵懸。旣而滅宿澄霞，登光辨色。式道執殳，展輪効駕。徐變警節，明鍾暢音。七萃連鑣，九於齊軌。建旗拂霓，揚鼓振木。魚甲煙聚，貝冑星羅。重英曲瑤之飾，絕景遺風之騎。昭灼甄部，駟駿函列。虎視龍起，雷駭電逝。轟轟隱隱，紛紛軫軫。羌難得而稱計，爾乃迴輿駐罕。嶽鎮淵淳，眸容有穆。賓儀式序，授几肆筵。因流波而成次，蕙肴芳醴。任激水而推移，葆佾陳階。金砲在席，賦奏翹舞。籥動邪詩，召鳴鳥于弇州。欽文類聚作山追伶倫於嶰谷，發參差於王子。傳妙靡於帝江，正歌有闕。羽觴無算，上陳景福之賜。下獻南山之壽。信凱謠之在藻。

知和樂於食苹桑榆之陰不居草露之滋方渥有詔曰今日嘉會

咸可賦詩凡四十有五人其辭云爾

文選 藝文類聚四

淨住子頌

皇覺辨德篇頌

紫實昧朱狂斯濫哲舛逕揚鑊分源競柅麗景或幽澄舒每缺水  
激波生湮深火滅情端徒總理向空徹不有明心誰驅聖轍

開物歸信篇頌

藝文類聚七十  
六作歸信門頌

生浮命舛議罔情遠業雲結影慧日潛暉遙逾修道極夜無歸啓  
山小魯泛海難沂參珉見璧辨礫知瓊迷其未遠匪正何依

滌除三業篇頌

藝文類聚作懺  
悔三業門頌

樂由生滅患以身全業資意造事假言筌利名相倚榮辱茲纏其  
駭匪躡周錯徒鑄惑端風緒愛境旌懸不勤一至何階四禪

脩理六根篇頌

傾都麗佳，繞梁之曲，肥馬輕裘，蕙肴芳醪，晦黑滋生，昏器競欲，  
蕩魂浮，身甘意觸，靈龜攝根，睛菸衛足，蟲草或虞，人如不勗。

生老病死篇頌

穠華易遷，繁蕪不實，星髮胎肌，鄰光愒日，二豎潛言，十巫空術，  
生之往矣，高松蕭瑟，卽化翻覆，從緣墜質，噬臍有議，嗟然何汨。

尅責身心篇頌

瞻彼進德，莫敢或違，顧咨小智，徒以大康，豈無通術，跋此榛荒，  
雖有重離，迹照螢光，循情內負，撫事外傷，層羅一舉，空念高翔。

檢覆三業篇頌

渾風緬沒，旅俗膠加，競文內疾，誰甌心瑕，再惟情反，三省身華，  
青危窮濫，省備豪奢，遭迴六蔽，紛綸七邪，不圖厥始，逸馬難豎。

訶詰四大篇頌

迅矣百齡，綿茲六八，出沒昏疑，興居愛習，矻矻予求，營營爾給，匪

德日歸惟歿斯集。貪人敗類無厭自及。昭回不希玄墟何泣。

出家順善篇頌

苑文類聚作  
出家善門頌

澡身浴德。晦迹埋名。將安寶地。誰畱化城。道場曠謫。禪運開溥。風飄弗響。震輒徒驚。嘯傲焉慮。脫落何營。長捐有結。永置無生。

在家從惡篇頌

石磨則磖。玉生雖堅。維居必徙。豈曰能賢。冰開春日。蘭敗秋年。教隨類反。習乃情遷。命符三漏。生借十纏。茲焉遂往。憂畏方延。

沈冥地獄篇頌

冥津殊復曉。高聽亦能卑。陰牆雖兩密。幽夜有四知。炎山翻烈火。冰澗布寒澌。羅城振雲幕。鋒樹鬱霜枝。茹荼非云苦。集木豈稱危。求仁曾已得。長歎欲何爲。

出家懷道篇頌

鹽石諒非眞。飾瓶信爲假。竊服臬門上。濫吹潘軒下。鳳祀徒驚心。

騶交終好野實相豈或照浮榮未能捨迹殊冠冕客事襲驅馳者  
已矣歇鄭聲無然亂周雅

在家懷善篇頌

魏文類聚作  
在家善門頌

處塵貴不染被褐重懷珠美玉曜幽石曾蘭挺叢叟四氏不爲侶  
三界豈能渝諒茲親愛染寧以財利拘煩流捨智寶榛路坦夷途  
萬物竟何匹烈火樹紅趺

三界內苦篇頌

心怨動紛遶情怡輒遷互歡愛一離遠傷憂坐衰暮連暝結清陰  
高臺起風露腐毒緣芳旨天仗實修葺慾網必虧生繁且或全免  
眇眇夜何期悠悠終肯悟

出三界外樂篇頌

端襟測煩海矯步寫埃氛三受猶絕雨八苦若浮雲輸心仰圓極  
罄質委方墳朝遊淨國侶暮集靈山羣燈祇開遠照香字薦嘉薰

俛首睇人俗，信矣靜爲君。

斷絕疑惑篇頌

生塗非一理，識緒固饒津。徒駭東陵富，空嗟北郭貧。國生曾已足，顏氏信爲仁。逢尤昭往業，習善會茲身。勤憂永夷泰，晏安終苦辛。合名且云重，豈若樹良因。

十種慚愧篇頌

神膏施惟重，玄酒恩未隆。明璣隋水上，潤玉藍田中。稟天性所極，資敬道攸崇。羽毛共以勢，輪軌相爲通。報德愴前雅，酬言愛餘風。遵途每多舛，所省能無忡。

極大慚愧篇頌

冬狐理豐彘，春蠶緒輕絲。形骸翻爲阻，心識還自欺。華容羸卅日，生平少年時。驅車追俠客，酌酒弄妖姬。但念目前好，安知身後悲。惕然一以愧，永與情愛離。

善友獎勵篇頌

蘭室改蓬心，梅崖變伊草。丹青有必渝，絲縑豈常皓。曲蘗且繩直，  
詭木遂雕藻。一簣或成山，百里倦中道。隆漢乃王臣，失楚信元保。  
勉矣德不孤，至言匪虛造。

戒法攝心篇頌

金山殿寶仞，瓊峴烈瑤蕙。牆狐議不窟，檐鷄豈能棲。淨花莊思序，  
慧沼盪身倪。六羣倘未一，七眾固恆齊。端儀有直景，正道無傾蹊。  
惟宮超以悟，襄野竟何迷。

自慶畢故止新篇頌

春非我春秋，非秋一經長。夜每悠悠陶，形練氣住元。造啟蒙夷阻，  
出重幽榮公。三樂非爲曠，箕生五福豈能求。靈姿妙境往，難集微  
言至道。此去修年逢生幸，曾以慶盈愆。貳過倘知憂，畢故斷新別。  
苦海希賢庶，善憑智流。



大忍惡對篇頌

春山之下玉抵禽。漢水之陽璧千金。清業神居德非重。潔己愚侶道已深。愛憎喜怒生而習。榮華芳旨世所欽。鴻才巨力萬夫敵。誰有制此方寸心。逸驥狂兇躡不御。繁羈密柙儻能禁。遣情遺事復何想。寂然無待恣幽尋。

緣境無礙篇頌

悅象惚物終不名。龍舉鸞集竟誰辯。絕智亡身孰爲礙。韜名最曜故能顯。匪日匪月灼以懸。安飛安翔虛而踐。璧石無間恣出沒。水火有性任舒卷。敷教應俗鶩泉流。現迹依方迅風轉。大哉超世莫與羣。希轅慕舜宜自勉。

一志努力篇頌

像北二山尙有移。河中一洲亦可爲。精誠必至霜塵下。意氣所感金石離。有子刺掌修名立。王生擢髮美譽垂。自來勤心少蹇墜。何

不努力出憂危。勝幡法鼓繁且擊。智師道眾紛以馳。有常無我。儼既列。無明有縛。孰能窺。

禮舍利寶塔篇頌

越人鑄金誠有思。魏后椎木亦云悲。中賢小節猶可戀。去聖彌遠情彌滋。祇樹蕭條多宿楚。王宮寂寞渺遺基。設像居室若有望。問儀駐景暖如之。連卿共日獨先後。道悠命舛將無時。傾懷結想慟以慕。乖靈寫照拂塵疑。

敬重正法篇頌

藝文類聚  
作法門頌

出不自戶將何由。行不以法欲焉修。之燕入楚待駁足。凌河越海寄輕舟。仁言爲利壯已博。聖道弘濟邈難求。通明洞燭煥曾景。深凝廣潤湛淵流。翼善開賢敷教義。照蒙啟惑滌煩憂。功成弗有名。弗居。淡然無執與化遊。

奉養僧田篇頌

五玉已潤談而信八桂雖芳風乃掃妙理至言唯聖寶不自伊人  
孰弘道照空觀法識遷流撫俗瞻光厭生老絕滅情嗜斷惟怡縱  
落蒙華棄雕藻親愛倏忽信風煙財利悠悠若塵草測以龍雲豈  
曰高濯足江漢更慚皓

勸請增進篇頌

俟河之清逢聖朝靈智俯接一其遙白日馳光不流照葵藿微志  
徒傾翹遍盈空有盡三界綿塞宇宙罄八遼德光業遠升至覺寂  
冥常住獨能超煎灼欲火思雲露沈汨使水望舟橋弘慈廣度昔  
有誓法輪道御且徐曠

隨喜萬善篇頌

聞善若己燭良書見賢思齊美通誥感幽動地孝有誠殞首流腸  
忠爲操振禮摛文弘憲則機謀應勇靜姦暴明白八素志沖聞高  
論窮微契神奧捐軀濟物不邀名輕財貴義豈期報百行萬善紛

塗軌求誠啓想畢歡臨

迴向佛道篇頌

悠悠九土各異形擾擾四俗非一情驅車秣馬徇世業市交鬻義  
街虛名三墨紛紜殊不會七儒委鬱會未并吉凶拘忌迺數術取  
與離合實縱橫朝日夕月竟何取投巖赴火空捐生咄嗟失道爾  
迴駕河彼流水趣東瀛

發願莊嚴篇頌

心所期兮彼之岸何事浮俗久淹遐照慧日兮駕法雲騰危城兮  
出塵館芳珠燁兮聞歲時寶樹颺兮警昏旦清露溥兮永以挹喜  
園流采常爲玩無待殷鼎方丈羞安用秦箏織指彈勒誠款願長  
不渝習苦塵勞從此捍

皇太子哀策文

繡幕啟塗銅池從殯保鐸既行枚絳且引皇帝痛染盛之闕奉哀

七豈之有亡。閭舍嗟乎崇正。顧掩歎於承光。式瞻元良。永懷人寶。  
俾茲史策。載餘風道。其辭曰。

居辰北極。在日重離。誕惟妙善。克自生知。資神爲契。合聖如規。地  
維缺位。月紀寒期。哀纏晦朔。燧改歲時。檀粥不溢。薑桂無滋。俛終  
心禮。昌我帝基。思皇下武。緝戎上德。將叶人神。永貽家國。用稽嗣  
典。實弘儲則。庸器改物。徽號崇名。往辭綠蓋。來馭朱纓。旂旗旖旎。  
鸞籟聲明。守器宣華。訪安永福。上漏驂軒。初晨戒服。慶色伊滿。香  
儀載肅。至誠莫感。遐福空辭。氛程月志。履動羊司。素娥犯列。青雲  
失滋。中楹軫夢。當戶陳詩。楚藥毀方。秦豎反轍。高議虛演。奇文徒  
說。遠賓上靈。長違昭世。痛結宸慈。哀震華棟。嗚呼哀哉。軒帷高寂。  
庭帳深陰。鶴闌晝掩。鳧燈夜沈。仍襲未改。容饌如臨。暖徽儀而可  
慕。標嗣子之純心。嗚呼哀哉。韋弁告期。麻衣請日。辯域展圖。揚龜  
獻吉。文物充階。具僚在位。總葭挽之哀淒。視風煙之騷瑟。嗚呼哀

哉飾靡輅而南指，轉旌羽而北徂。車結軫於雕轂，馬緩節於金蘇。寄靈心於萬象，增戀戀於國都。嗚呼哀哉，光徙靡而欲沈。山荒涼而遂晚，城闕納而何期。平原忽而超遠，情有望而弗追。顧如疑於將反，嗚呼哀哉。

藝文類聚十六

永嘉長公主墓志銘

作儀阿媛，取儷漢妃。相金漏質，標李慙暉。肅穆婦容，靜恭女德。願史求箴，披圖問則。慶善郁夷，與仁冥默。宵燧亡明，曉挽已聲。松門嚴闕，泉帳寒清。悠哉白日，鬱彼佳城。

藝文類聚十六

豫章文獻王墓誌銘

領袖傾淪，人綱弛沒。半嶽摧峯，中河墜月。眷然曉隧，如何夜臺。儼駭惋慕，葆吹徘徊。千秋萬祀，願有餘哀。

藝文類聚四十五

王秀之

秀之字伯奮，琅邪臨沂人。宋儀同敬弘孫，歷著作佐郎、太子舍

入轉洗馬司徒左西屬出爲督平太守還除安成王驃騎諮議  
轉中郎又爲高帝驃騎諮議昇明末轉左軍豫章王嶷長史尋  
陽太守隨府轉鎮西長史南郡太守齊受禪遷司馬加監朔將  
軍遷長史領儒林祭酒遷南郡王司馬復爲黃門郎領羽林監  
遷長沙王中軍長史武帝卽位爲太子中庶子吏部郎出爲義  
興太守遷侍中祭酒轉都官尙書進侍中領射聲校尉出爲輔  
國將軍隨王鎮西長史南郡內史徵侍中領遊擊將軍未拜仍  
爲輔國將軍吳興太守隆昌元年卒謚曰簡子

貽宗測書

昔人有測畫僑札輕以自方耳

南史宗測傳

與朝士書

此郡承虞公之後善政猶存遺風易遵差得無事

南齊書虞愿傳南史虞愿傳

遺令

木服不得人棺祭則酒脯而已世人以僕妾直靈助哭當由喪主不能痛至欲以多聲相亂魂而有靈吾當笑之

南史二  
十四

士晏

晏字士彥琅邪臨沂人宋通直常侍弘之孫大明末爲臨賀王國常侍員外郎巴陵王征北參軍安成王撫軍參軍隨府轉車騎參軍晉熙王安西士簿武帝鎮西記室諮議累遷領軍司馬中軍從事中郎齊受禪轉太子中庶子武帝卽位轉長兼侍中領步兵校尉遷侍中累至右僕射領太孫右衛率鬱林卽位轉左僕射海陵卽位轉尚書令加後將軍封曲江縣侯明帝卽位進驃騎大將軍領太子太傅進爵爲公建武四年坐罪誅

奏爲文惠太子服

案喪服經爲君之父長子同齊衰其今至尊既不行二年之典止服其制羣臣應降一等便應大功九月功衰是兄弟之服不可以



服尊臣等參議謂宜重其衰裳減其月數同服齊衰三月至於太  
孫三年既申南郡國臣宜備齊衰朞服臨汝曲江既非正嫡不得  
禰先儲二公國臣並不得服

南齊書禮志下永明十一年文惠太子薨右僕射王晏等奏又見通典八

又奏

案喪服經雖有妾爲君之長子從君而服二漢以來此禮久廢請  
因循前準不復追行

南齊書禮志下通典八十二

又奏

伏尋御服文惠太子冝內不奏樂諸王雖本服冝而儲皇正體宗  
廟服者一同釋服奏樂姻娶便應並通竊謂二事俱是嘉禮輕重  
有異娶婦思嗣事非全吉三日不樂禮有明文宋代冝喪降在大  
功者婚禮廢樂以伸私戚以從前典

南齊書禮志下通典八十二

又奏

案禮祥除皆先於今夕易服。明旦乃設祭。尋比世服臨。然後改服。與禮爲乖。今東宮公除日。若依例。皇太孫服臨。方易服。臣等參議。謂先哭臨。竟而後祭之。應公除者。皆於府第變服。而後入臨。行奉慰之禮。南齊書禮志下。通典八十二。

奏太子祔太廟禮

故太子祔太廟。既無先準。檢宋元后故事。太尉行禮。太子拜伏。與太尉俱。臣等參議。依擬前典。太常主廟位。太尉執禮。祔太孫拜伏。皆與之俱。正禮既畢。陰室之祭。太孫宜親自進奠。南齊書禮志上。永明十一年右。侯射王晏吏部尚書徐。孝嗣侍中何胤奏。詔可。

明堂配饗議

若用鄭玄祖宗通稱。則生有功德。沒垂尊稱。歷代配帝。何止於郊。今殷薦上帝。元屬武帝。齊書作允。屬世祖。百代不毀。其文廟乎。南齊書禮志上。隆昌元年左僕射王晏議。又見通典四十四。

江敬不應轉都官尚書啟

江敬今重登禮閣兼掌六軍慈渥所覃實有優忝但語其事任始  
同閑輩天旨既欲升其名位愚謂以侍中領驍騎望實清顯有殊

納言南齊書江瑛傳永明七年徙為侍中領驍騎將軍尋轉都官尚書領驍騎將軍王晏啟

四昌侯不應領選啟

鸞清幹有餘然不諳百氏恐不可居此職南史二  
十四

王思遠

思遠晏從弟小字阿戎宋建平王景素辟為南徐州主簿除晉

熙王撫軍行參軍安成王車騎參軍建元初為長沙後軍主簿

尚書殿中郎出補竟陵王征北記室參軍隨府遷司徒錄事參

軍太子中舍人建安內史除中書郎大司馬諮議吳郡丞還為

司徒諮議參軍領錄事轉黃門郎遷御史中丞建武中遷吏部

郎改授司徒左長史永元二年遷度支尚書未拜卒贈太常諡

貞子

諫吏部郎表

近頻煩歸啟，實有微概。陛下矜遇之厚，古今罕儔。臣若孤恩，誰當戮力。既自誓輕軀命，不復以塵黜爲疑。正以臣與晏地，惟密親，必不宜俱居顯要。悽悽丹赤，守之以死。臣實庸鄙，無足獎進。陛下甄拔之旨，要是許其一節。臣果不能以理自固，有乖則哲之明。犯冒之尤，誅責在己。謬賞之私，惟塵聖鑒。權其輕重，寧守彌心。且亦緣陛下以德御下，故臣可得。以禮進退，伏願恩垂拯宥，不使賈墜。今若祇膺所忝，三公不足爲泰。犯忤之後，九泉未足爲劇。而臣苟求刑戮，自棄富榮。愚夫不爲，臣亦庶免。此心此志，可憐可矜。如其上命必行，請罪非理。聖恩方置之通塗，而臣固求擯墜。自慙自悼，不覺涕流。謹冒鈇鉞，悉心以請。窮則呼天，仰祈一照。

南齊書王  
思遠傳

賜進士出身 百銜廣東等處提刑按察使司按察使兼管驛傳事務黃岡王毓藻校刊

全齊文卷十三終